



27. juli 2007

Inatsisartut Forretningsorden-ianni § 36 imm. 1 tunngavigalugulu Naalakkersuisunut apeqquteqaatinik makkunangga saqqummiussaqaarniarpunga:

**Kalaallit-nunaanni ilaqutariit pisinnatitaaffiisigut inatsisit naleqqussarnissaat pillugit Naalakkersuisunut apeqquteqaat.**

Inatsisartunut ilaasortaq Lene Knüppel, Demokraatit)

**Tunngavigisat:**

Inatsisartunut ilaasortap Esmar Bergstrøm-ip § 36 tunngavigalugu apeqquteqaataanut 15.10.2006-imeersumut Naalakkersuisut akissuteqarnerminni paasissutissanik makkunangga saqqummiussaqaarput:

*”Ilaqutariinnermut Inatsiseqarnermullu Naalakkersuisup ilaqutariit pisinnaatitaaffiinnut inatsisit naleqqussarnissaat pingaaruteqartutut inissimatippaa, Naalakkersuisunullu ilaasortap ilaqutariittut pisinnaatitaaffiisigut inatsisit tungaasinut nutarterinissaq ullutsinnullu naleqquttunngor-saanissaq pingartilluinnarlugit.”*

Danmark-imi Ilaqutareeqarnikkut Aqutsisoqarfiup tamatuma tungaatigut inatsisip Kalaallit-nunaanni Inatsisartut 2008-imi upernaakkut katersuunnissaannut saqqummiussaqaarnissaq naatsorsuutigigaa ilisimavara, tassa makkunuunatigut:

- Meeravissartaarniarnermut tunngatillugu inatsit
- Meeravissartaarniarnermut tunngatillugu Hagerkonvention 1993-imeersoq
- Aappariittut nalunaarsugaanermut inatsisip allannguutissaa

Taamatut iliuseqarniarneq uvanga ajunngitsutut isigaara, tassami aamma Kalaallit-nunaanni ilaqutariittut pisinaatitaaffitsugut inatsiseqarnerup ilaannaminnguataluunniit nutarternissaa pisariaqalivimmat.

2002-mi Justitsministeriaqarfiup Kalaallit-nunaanni ilaqutareeqarnikkut pisinnaatitaaffitsigut inatsisiliornep nutarternissaanut pilersarusiaq pilersippaa, taannalu Inatsisartut ataatsimiinneranni FM2003/10-tut saqqummiunneqarsimavoq, tassa Inatsisartut Kalaallit-nunaanni ilaqutareeqarnikkut pisinnaatitaaffitsigut inatsisip nutarternissaanut tunngaviusumik isumaqataanissaannut aalajangiiffisassatut siunnersuutitut.

Inatsisartut ataatsimiinnerminnut FM 2003/10-mut atatillugu Kalaallit-nunaanni ilaqutareeqarnikkut pisinnaatitaaffeqarnermut tunngatillugu inatsisip nutarterneqarnissaanut tunngatillugu tunngaviusumik tapersiipput.



Justitsministeriaqarfiup pilersaarutaani, matumunnga ilanngunneqarsimasumi, takuneqarsinnaavoq ilaqutariittut pisinnaatitaaffinnut tunngatillugu aammattaq inatsisit allat arlaqartut aammaataaq nutarterneqarnissaat pisariaqalersimasoq, tassa matuma siuliani taakkartorneqartut pingasut saniatigut.

Maanna Justitsministeriaqarfiup pilersaarummik suliaqarneraniit ukiut tallimat qaangiutereerput, kiisalu ukiut sisamat qaangiupput Inatsisartut Kalaallit-nunaanni ilaqutareeqarnikkut pisinnaatitaaffinnut tunngatillugu inatsisip nutarterneqarnissaa tapersorsorniarlugu aalajangiussaqaarmata, kisiannili manna tikillugu suliap sumut killissimanera pillugu suliallu qanoq isikkoqarnera pilugu naliliinermik suliaqartoqanngilaq.

Ajoraluartumilli takuneqarsinnaavoq Kalaallit-nunaanni ilaqutareeqarnermi pisinnaatitaaffiit pilugit inatsiseqarneq inuiaqatigiit ineriartornerannut naleqqiulluni kiisalu nunat tamat isumaqatigiissutaannut ilanngunneqarnissamut atatillugu kingulerukkaluttuinnarmat, uffa Inatsiartuni, Naalakkersuisuni taamatullu Justitsministeriaqarfimmi ullutsinnut naleqqussarnissaata suliarinissaa akuersissutaareeraluartoq.

Tamakkua matumani eqqartorneqartut tunuliaqutaralugit matumuuna Naalakkersuisut qinnuvgissavakka apeqquteqaatit makkua akissuteqarfigeqqullugit:

1. Kalaallit-nunaanni ilaqutariit pisinnaatitaaffeqarnikkut inatsisip naleqqussarnissaa suli suliarineqarsimangimmat Naalakkersuisut akuersaarnartutut isiginerlugu, naak Inatsisartut FM 2003/10 inatsisip naleqqusaarnissaata, naleqqusaanissamut pilersaarussiaq tunngavigalugu, ingerlanneqarnissaa aalajangiiffigereeraluaraat?
2. Naalakkersuisut ataatigut atsiortoq ilaqutaareeqarnikkut pisinnaatitaaffinnut tunngatillugu inatsisiliornerup tamamiusup nutarterneqarnissaa suli pisimangitsoq nutarterneqassasoq isumaqatigigunikku, taava qaqugu aammalu qanoq isikkulerlugu Naalakkersuisut qalunaat oqartussaannut Kalaallit-nunaanni ilaqutareeqarnermi pisinnaatitaaffitsigut inatsiseqarnerup sapinngisamik piaartumik naleqqusaanissaq piviusunngorteqqullugu nukingisaarutiginiarppaat?

Allagaqaatip matuma tiguneraniit ullut qulit qaangiutsinnagit akissuteqarfigineqarnissara inusiarnersumik kissaatigaara.